



**FarDU.
ILMIY XABARLAR
НАУЧНЫЙ ВЕСТНИК.
ФерГУ**

6 / 2019

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ

ФАРГОНА ДАВЛАТ УНИВЕРСИТЕТИ

**FarDU.
ILMIY
XABARLAR-**

1995 йилдан нашр этилади
Йилда 6 марта чиқади

6-2019

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

**МУТОЛАА МАДАНИЯТИНИНГ ЛИНГВОКУЛЬТУРОЛОГИК
ТАМОЙИЛЛАРИ**
ЛИНГВОКУЛЬТУРОЛОГИЧЕСКИЕ ПРИНЦИПЫ КУЛЬТУРЫ ЧТЕНИЯ
LINGUOCULTUROLOGICAL PRINCIPLES OF THE CULTURE OF READING

С.Мўминов, Ш.Мўминов

Аннотация

Мақолада китобхонликка бўлган эътибор, нуқтаи назар ва унинг мутолаа маданиятида тутгандан ўрни лингвокультурологик аспектда таҳлил этилган.

Аннотация

В статье в лингвокультурологическом аспекте проведен анализ внимания и точки зрения на проблемы отношения к культуре чтения, и ее места в культуре чтения.

Annotation

The article analyzes the linguoculturological aspect of analyses of the concentration and the attitude to the problems of culture of reading and its role.

Таянч сўз ва иборалар: китобхонлик, нуқтаи назар, муносабат, мутолаа маданияти, санъат, тараққиёт.

Ключевые слова и выражения: чтение книги, точка зрения, отношение, культура чтения, искусство, прогресс.

Keywords and expressions: book reading, point of view, attitude, culture of reading, art, progress.

Ўзбекистон Республикаси Президенти Ш.Мирзиёевнинг 2017 йил 12 январда чиқарган "Китоб маҳсулотларини чоп этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғиб қилиш бўйича комиссия тузиш тўғрисида", деб номланган Фармойишидан ва, айниқса, "Ёшлар маънавиятини юксалтириш ва уларнинг бўш вақтими мазмунли ташкил этиш бўйича 5 та муҳим ташаббус"нинг тўртинчиси сифатида ёшлар ўртасида китобхонликни кенг тарғиб қилиш бўйича тизимли ишларни ташкил этиш белгилаб берилганидан кейин бутун мамлакатимизда китобга, китобхонликка, китоб тарғиботига, китобхонлик маданиятини оширишга бўлган эътибор ҳар қачонгидан ҳам орди. Мазкур мақолада Президентимизнинг бу тарихий Фармойиши ва бешта муҳим ташаббуснинг моҳиятини кенгроқ, чуқурроқ шарҳлаб беришга, мутолаа маданиятининг айrim қирраларини, жумладан, нуқтаи назар билан боғлиқ жиҳатларини лингвокультурологик жиҳатдан таҳлил ва тадқиқ этишга қаратилган. Зоро, Президентимиз ўз нутқларида қайта-қайта таъкидлаётганларидек, "Ҳозирги пайтда ҳаммамизнинг олдимизда жуда муҳим аҳамиятга эга бўлган масала, яъни китобхонликни кенг ёйиш ва ёшларимизнинг китобга бўлган муҳаббатини, уларнинг маънавий иммунитетини янада оширишга қаратилган ишларимизни янги босқичга олиб чиқиш вазифаси

турибди" [1,47].

Аввало "Китобхонлик – мутолаа нима учун керак?" деган саволга ойдинлик киритиб олишга тўғри келади. Чунки XX асрнинг машҳур адилларидан бири Герман Гессенинг фикрига қараганда, "Кўпчилик китоб ўқишни билмайди ва кўп кишилар нима учун ўқиётганини тузукроқ тушунмайди. Баъзилар буни ўқимишли бўлишининг қийин, бироқ ягона йўли, деб билади" [3,18].

Халқаро Нобель мукофоти лауреати, мураккаб асарлари билан машҳур ёзувчи Жозе Самараго жамиятни азоблаётган ёвузликнинг ягона сабабчиси сўқирлик, яъни жаҳолат, деб билади ва барча асарларида, айниқса, ўз номи ўзи билан "Сўқирлик", "Англаш" романларида лоқайдлик, ўқимишсизлик "меваси"га қарши исён кўтаради ва француз журналистларига берган бир галги интервьюсида жаҳолатга бефарқ қараб туриб бўлмаслигини, унга қарши "бўзлаш" – астайдил курашиш кераклигини таъкидлаб, шундай дейди: "...асар элиграфини эслатиб қўйсам: "Кўплак увиллаш вақти өтди дер". Фикримча, бизлар учун ҳам бўзлаш вақти келди..." [7,4].

Дунё тафқур оламининг машҳур вакиллари фикрларидан маълум бўлмоқдаки, одам фақат олий маълумот олиш учунгина эмас, умуман касби, лавозимидан қатъий назар жамиятнинг тўлақонли аъзоси бўлиши, ўзини ва бошқаларни англаши, қолаверса, ёвузликка йўл қўймаслиги учун ҳам китобхон

С.Мўминов – ФарДУ профессори, филология фанлари доктори.
Ш.Мўминов – ФарДУ магистранти.

бўлиши керак. Зоро, Ўзбекистон Кутубхоналар ассоциацияси раиси Абдусалом Умаровнинг фикрига қараганда, “Инсон икки ўлчам – макон ва замонда чекланган бўлиб, ўзининг бутун тараққиёти даеомида мазкур чекловларни енгид ўтишга интилиб келган. Мана шу интилишининг самараси ўлароқ ёзувлар, китоблар ва шу каби бошқа ахборот ташиб ва унга эга бўлиш билан боғлиқ билимлар тўпланиб, кишиларни мутолаа маданиятининг шаклланишига олиб келган” [9,74].

Мана энди “Мутолаа маданияти нима?; Нимани, қачон, қандай ўқиш керак?; Мутолаадан кўпроқ наф кўриш нималарга боғлиқ?” қабилидаги саволларга ўтсак ҳам бўлади.

Аввало берилаётган саволларнинг ҳар бири алоҳида мавзу ва уларнинг ҳар бири ҳақида алоҳида мақолалар, китоблар ёзиш мумкинлигини эътироф этишимиз лозим. Шунинг учун биз ушбу мақоламида катта мавзунинг фақат бир қирраси – мутолаа маданиятини эгаллаш, ундан кўпроқ наф кўришда нуқтаи назарнинг ўрни ҳақидаги фикрларимизни баён этиш билан чекланамиз.

Жиддийроқ ўйлаб қарайдиган бўлсақ, бу чексиз оламдаги ҳамма нарса нуқтаи назар билан боғланади. Яъни, табиат ҳодисаларидан қандай таъсирланиш, жамиятда рўй бераётган воқеа-ҳодисаларга, атрофимиздаги одамларга муносабат билдириш ҳам бизнинг нуқтаи назаримизга боғлиқ. Мавлоно Жалолиддин Румийнинг қуйидаги байти шу ҳақда:

Ул бирордирким, магар наздингда мор,
Лек бирорнинг наздида шириннигор [6,65].

Яъни, сенга илон бўлиб кўринадиган бирон киши бошқа бирорнинг наздида балки хушсурат – шириннигордир. Бу байтнинг мазмуни бизга халқимизнинг “Ҳар кимни ўзига, Ой кўринар кўзига” мақолини эслатади.

Бу фикрларнинг ҳаммаси мутолаа маданиятига ҳам бевосита боғлиқdir. Чунки дунёга машҳур алломаларнинг қуйидаги фикрлари бежиз айтилмаган: “Саводсиз

бўлсанг, бирор китобни очолмайсан”, “Китоб дўкони сотувчиси билимдон бўлиши шунинг учун ҳам зарурки, у ўзига көракли ва биз илғамайдиган китобларга дикқатимизни қаратма олсин” (Конфуций); “Китоб ўқинг! у сизни фикрлашга ўргатади. Фикрлай олиш эса одамни бошқа жонзотлардан ажратиб турувчи асосий хислатдир” (Жон-Пол Сартр) [4,4].

Машҳур Бразилия адаби Паоло Коэльонинг қуйидаги фикрлари ҳам мавзумизга бевосита боғлиқdir: “Ичиндега гўзаллик борлиги учун сен гўзалликни кўра оласан. Дунё ойнага ўхшайди: унда ҳар ким ўзининг аксини кўради” [2,15].

Ҳа, айнан нуқтаи назар билан боғлиқ ҳолда “Иллат излаганга иллат, турбат излаганга турбат, ҳикмат излаганга ҳикматдир дунё” (Садриддин Салим Бухорий) ва оламга қандай нигоҳ билан боқсак, у ҳам бизга шундай жавоб қайтаради: “Қандай кўзла боқса одам оламга, шундай жавоб айлар олам одамга” (Улуғбек Ҳамдам). Донишманд адабимиз Абдулла Қаҳхорнинг бу ҳақдаги фикрлари шундай: “Бухорои шарифнинг ҳар бир гиши илм, ҳар бир тоши ҳикмат. Аммо хазинага кирган мушук зарга қарамайди – сичқон овлайди”, “Яхшининг юзида зулук ҳам ҳол бўлиб кўринади”, “Товуқнинг тушига дон киради” [10,18-45].

Буюк мутафаккир бобокалонимиз Алишер Навоийнинг “Мен дунёдаги барча илмларни эгалладим, бу ишда менинг ўқитувчим ҳар соҳадаги жоҳиллар бўлди” мазмунидаги қуйидаги байти ҳам шу ҳақда:

Жаҳон илмики, букун мёнга ёд эрур,
Анга барча жаҳл аҳли устод эрур [5,61].

Келтирилган фикрлардан маълум бўлмоқдаки, китоб мутолааси ҳам нуқтаи назар билан бевосита боғлиқdir. Яъни, ҳар бир китоб китобхон муносабати, савиасига яраша унга ўз қалбини очади. Шундай экан, “Мутолаа жараёнларини оптималлаштириш ҳар қандай жамиятнинг умумий тараққиёти, ижтимоий-иктисодий, маънавий ва маданий ривожланиш пойдевори вазифасини ўтайди” [8,3].

Адабиётлар:

- Мирзиёев Ш. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши керак. – Т.: Ўзбекистон, 2018.
- Аҳмедов Б. Сайёҳ. – Бишкеқ, 2019.
- Гессе Г. Мутолаа сирлари // “Фан ва турмуш”, 1992, № 3-4.
- “Ma’rifat” газетаси, 2017 йил 11 март.
- Навоий А. Ҳикматлар. – Т.: Шарқ, 2006.
- Румий Ж. Ҳикматлар. – Т.: Шарқ, 2006.
- Самараго Ж. Ёвузлик сабабчиси – сўқирлиқdir! // “Kitob dunyosi”, 2018 йил 27 июнь.
- Умаров А. Мутолаа маданияти: шахс, жамият, тараққиёт. – Т.: Фан, 2004.
- Умаров А. Мутолаа маданияти // “Ҳаёт ва қонун”, 2004, № 6.
- Қаҳхор А. Ҳикматлар. – Т.: Ўзбекистон, 1990.

А.Бердиалиев, М.Зокиров	Лингвистик интерференция ва унинг ўзбек-тожик тиллари контактига алоқаси	88
Ш.Турдиматова	Функционимлар ва уларнинг тил лугат таркибининг макроқурилмалар тизимиға мансуб ҳодисалар билан ўзаро муносабати ҳақида	92
М.Эргашев	Инглиз ва ўзбек тилларида "фөълли боғланиш" лисоний категория сифатида	98
Х.Исмоилов	Суд нутқининг социолингвистик таҳлилига доир.....	101

ИЛМИЙ АҲБОРОТ

Г.Тиллабаева	Биринчи тартибли чизиқли оддий дифференциал тенгламалар учун кўп нуқтали чегаравий масала.....	105
М.Ахмедов, Х.Далиев, М.Онаркулов	(BIXSB1-X) 2ТЕЗ поликристалл тензосеэгир пленкаларнинг электронографик таҳлили	109
М.Хакимов, М.Маматкулов	Табиий шарбат олиш учун мева ва сабзавотларни қайта ишлайдиган ШҚМ-18 қурилманинг амалдаги намунасини ишлаб чиқиш	112
М.Холиков	Паразитизмнинг пайдо бўлиши ва оқибатлари	114
Ф.Адилов	Ўзбекистон ва Озарбайжон халқлари ўртасидаги маданий ҳамкорлик алоқалари (кино ва театр соҳаси мисолида).....	116
Т.Тургунбаев	Кимёвий қуролларнинг яратилиш тарихи, жанговар қўлланилиш тавсифи ва уларнинг инсон организмига таъсири	119
Э.Тажимираев	Фарғона водийси қишлоқларидағи маданий муассасалар фаолияти тарихидан (кино санъати мисолида)	123
Р.Аҳмедова	Фарғона физиотерапия институтининг ташкил топиш ва фаолияти тарихидан (1923-1950 йиллар) ..	126
В.Ишқуватов	Ўзбекистонда маҳалланинг моҳияти ва ўзига хослиги	129
К.Пулатов	XX аср 50-йиллар охири 60-йиллар бошида Ўзбекистонда ижтимоий ва сиёсий ҳаёт (Фарғона водийси мисолида)	132
С.Мўминов, Ш.Мўминов	Мутолаа маданиятининг лингвокультурологик тамойиллари	135
Б.Жўраева	«Қорамол» ЛМГи асосида шаклланган ўзбек халқ мақолларининг услубий хусусиятлари	137
М.Назирқулова	9-синфда Фурқатнинг "Фасли навбаҳор ўлди" ғазали матни устида ишлаш	140
М.Сайдакбарова	Қиссадан ҳиссанинг ғоявий-фалсафий функциялари	144
М.Деҳқонова	Наим Каримов ижодининг ойбекшунослик тараққиётидаги ўрни.....	147
Ф.Анварова	Бошлиғич синфларда инглиз тилини тинглаб тушуниш орқали ўқитиш бўйича айрим тавсиялар ...	151
И.Қирғизов, F.Нажметдинов, А.Исмоилов	Мусикий таълимда аждодлар меросидан фойдаланиш амалиёти	154
Ф.Эркабаева	Замонавий маҳобатли рангтасвир санъатида мусаввир ижодининг нафис чизгилари.....	156
А.Хасанов	Ҳарбий таълим факультети талабаларининг ўқув йигинлари даврида жисмоний машқлар билан шуғулланиш шакллари ҳамда воситаларини аниқлаш.....	159
Аҳмаджон Қўшақович Ўринов	163
Библиография	166

ФАНИМИЗ ФИДОЙЛАРИ